

FUCICORT® CREAM

Fusidic acid / Betamethasone (20mg/g / 1mg/g)

Apakah yang ada pada risalah ini

1. Apakah kegunaan Fucicort® Cream
2. Bagaimana Fucicort® Cream berfungsi
3. Sebelum menggunakan Fucicort® Cream
4. Cara menggunakan Fucicort® Cream
5. Semasa menggunakan Fucicort® Cream
6. Kesan-kesan sampingan
7. Cara penyimpanan dan pelupusan Fucicort® Cream
8. Maklumat lanjut
9. Pengilang dan Pemegang Pendaftaran Produk
10. Tarikh kemaskini RiMUP

Apakah kegunaan Fucicort® Cream

Fucicort® Cream digunakan untuk merawat keadaan di mana kulit meradang (ekzema atau dermatitis) dan juga dijangkiti oleh kuman (bakteria).

Bagaimana Fucicort® Cream berfungsi

Fucicort® Cream mengandungi dua jenis ubat. Satu ubat dipanggil *Fusidic acid*. Ia adalah sejenis antibiotik. Ubat lain dipanggil *betamethasone valerate*. Ia adalah sejenis kortikosteroid (steroid).

Fucicort® Cream berfungsi sebagai antibiotik dengan membunuh kuman yang menyebabkan jangkitan manakala kortikosteroid membantu mengurangkan sebarang kebengkakan, kemerahan atau kegatalan kulit anda.

Doktor anda mungkin memberikan ubat ini kepada anda atas sebab-sebab yang lain. Sila tanya doktor atau ahli farmasi anda sekiranya anda tidak pasti mengapa anda perlu mengambil Fucicort Cream.

Sebelum menggunakan Fucicort® Cream

- Bila tidak boleh menggunakan Fucicort® Cream
 - Jika anda mempunyai alahan (hipersensitif) terhadap *Fusidic acid* atau *betamethasone valerate*

- Jika anda mempunyai alahan (hipersensitif) terhadap bahan-bahan lain dalam ubat ini.
- Jika anda mempunyai dermatitis perioral. Ini adalah ruam jerawat merah di sekeliling mulut atau dagu.
- Jika anda mempunyai keadaan kulit yang disebabkan oleh virus seperti kudis sejuk atau cacar air
- Jika anda mempunyai keadaan kulit yang disebabkan oleh kulat.
- Jika anda mempunyai keadaan kulit yang dikenali sebagai jerawat rosacea. Ini adalah kemerahan dan keradangan pada hidung dan pipi anda. Tanya doktor anda jika anda tidak pasti.
- Jika anda mengalami jangkitan kulit tuberkulosis.
- Jika anda mengalami keadaan ulser.

Mengandung dan menyusukan anak

Sila tanya doktor atau ahli farmasi anda untuk mendapatkan nasihat sebelum menggunakan Fucicort® Cream:

- Jika anda hamil, atau berfikir anda hamil. Anda tidak harus menggunakan ubat anda untuk jangka masa yang lama atau dalam jumlah yang besar. Anda perlu bertanya doktor anda untuk mendapatkan nasihat.
- Jika anda sedang menyusukan bayi.

- Sebelum mula menggunakan Fucicort® Cream

- Beritahu doktor anda jika anda mempunyai alahan kepada mana-mana ubat lain, makanan, bahan pengawet atau pewarna .
- Beritahu doktor anda jika anda merancang untuk hamil atau menyusukan bayi.

- Jika mengambil ubat-ubat lain

Sila beritahu doktor atau ahli farmasi anda jika anda mengambil, atau baru-baru mengambil sebarang ubat-ubatan lain. Ini termasuk sebarang ubat-ubatan yang anda beli tanpa preskripsi.

- Cara menggunakan Fucicort® Cream

- Ubat ini adalah hanya untuk kegunaan kulit anda. Jangan menelannya. Jangan letakkan ia di dalam badan anda.
- Tanggalkan penutupnya. Semak meterai supaya belum dipecahkan sebelum anda mula menggunakan krim. Kemudian tolak kon tajam dalam penutup melalui meterai pada tiub.
- Sentiasa basuh tangan anda sebelum menggunakan Fucicort® Cream. Sapukan ubat secara perlahan-lahan pada kulit. Jika anda menggunakannya pada muka anda perlu berhati-hati untuk mengelakkan mata anda.
- Melainkan anda menggunakan krim untuk merawat tangan anda, sentiasa basuh tangan anda selepas menggunakan Fucicort® Cream.

Jika anda secara tidak sengaja mendapat ubat dalam mata anda, basuh ia dengan air sejuk dengan segera. Kemudian cuci mata anda dengan pencuci mata jika boleh. Mata anda berkemungkinan akan berasa sengat. Jika anda mula mempunyai masalah dengan penglihatan anda atau mata anda sakit, hubungi doktor anda dengan segera.

- Berapa banyak harus digunakan

Doktor anda akan memberitahu anda berapa banyak Fucicort® Cream untuk digunakan.

- Bila perlu digunakan

Biasanya, anda perlu menggunakan ubat ini 2 - 3 kali setiap hari. Untuk mengingatkan anda untuk menggunakan ubat ,ia boleh membantu untuk menggunakannya apabila anda melakukan satu lagi tindakan yang tetap, seperti memberus gigi anda.

FUCICORT[®] CREAM

Fusidic acid / Betamethasone (20mg/g / 1mg/g)

Jika anda telah diberitahu untuk menutup kulit dengan apa-apa pembalut anda mungkin tidak perlu

menggunakan ubat ini dengan kerap. Ikut nasihat doktor anda.

- Berapa lama perlu digunakan

Teruskan penggunaan ubat ini untuk tempoh masa yang ditetapkan oleh doktor anda.

- Jika terlupa menggunakan

Jika anda terlupa untuk menggunakan ubat ini, gunakannya sebaik sahaja anda ingat. Kemudian teruskan penggunaan ubat ini pada masa yang biasa.

Jika anda mempunyai soalan lanjut mengenai penggunaan ubat ini, sila tanya doktor atau ahli farmasi.

- Jika mengambil berlebihan (terlebih dos)

Hubungi doktor anda dengan segera atau pergi ke Jabatan Kecemasan hospital terdekat, jika terambil dos berlebihan. Ini perlu dilakukan walaupun tiada sebarang kesan keracunan atau rasa tidak selesa. Anda mungkin memerlukan perhatian perubatan segera.

Semasa menggunakan Fucicort[®] Cream

- Perkara yang perlu dilakukan

- Sentiasa gunakan Fucicort[®] Cream tepat seperti yang dinasihatkan oleh doktor anda. Anda perlu menyepak dengan doktor atau ahli farmasi jika anda tidak pasti
- Beritahu doktor dan ahli farmasi yang merawat anda bahawa anda sedang menggunakan Fucicort[®] Cream.
- Beritahu doktor anda dengan segera jika anda menjadi hamil semasa menggunakan ubat ini.

- Perkara yang tidak boleh dilakukan

Jangan berhenti menggunakan ubat ini kecuali diarahkan oleh doktor anda.

Jangan mula mengambil sebarang ubat baru tanpa berbincang dengan doktor atau ahli farmasi anda.

Jangan berkongsi Fucicort[®] Cream dengan sesiapa, walaupun mereka

mempunyai simptom atau penyakit yang sama.

- Perkara yang perlu diberi perhatian

- Beri perhatian jika anda akan menggunakan ubat ini berhampiran mata anda atau mata kanak-kanak. Jika krim terkena mata, ini boleh menyebabkan glaukoma.
- Jika anda menggunakan krim lebih lama atau dalam jumlah yang besar, ia berkemungkinan lebih tinggi mengakibatkan kesan sampingan. Selain itu, kulit anda akan menjadi lebih sensitif terhadap ubat ini.
- Anda tidak boleh menggunakan ubat untuk jangka masa yang lama pada muka anda.
- Melainkan jika doktor anda telah memberitahu anda, anda tidak harus menggunakan Fucicort[®] Cream pada luka terbuka atau kawasan-kawasan sensitif seperti hidung, telinga, bibir atau pada kemaluan.
- Melainkan jika doktor anda telah memberitahu anda, anda tidak boleh menggunakan Fucicort[®] Cream pada kulit nipis, ulser kulit, urat pecah atau jerawat.

Kesan-kesan sampingan

Seperti ubat-ubatan lain, Fucicort[®] Cream boleh menyebabkan kesan sampingan, walaupun bukan semua orang mengalaminya.

Kesan sampingan penting untuk diperhatikan:

Anda perlu mendapatkan bantuan perubatan dengan segera jika anda mempunyai sebarang gejala berikut.

Anda mungkin mempunyai reaksi alahan:

- Anda mempunyai kesukaran bernafas
- Muka atau tekak anda bengkak
- Kulit anda mempunyai ruam yang teruk.

Lain-lain kesan sampingan yang mungkin:

- Dilatasi saluran darah berhampiran kulit
- Penipisan kulit
- Kesan regangan kulit
- Glaukoma
- Kelenjar adrenal boleh berhenti berfungsi dengan betul. Tanda-tandanya adalah keletihan, kemurungan dan keresahan.
- Pengeluaran hormon kortikal adrenal yang berlebihan

Anda boleh melaporkan sebarang kesan sampingan atau kesan advers ubat kepada Pusat Pemantauan Kesan Advers Ubat Kebangsaan melalui No. Tel: 03-78835550, atau laman web npra.moh.gov.my (*Public* → *Reporting Medicinal Problems / Side Effects / AEFI*).

Cara penyimpanan dan pelupusan Fucicort[®] Cream

- Penyimpanan

- Jauhi ubat daripada kanak-kanak.
- Jangan gunakan Fucicort[®] Cream selepas tarikh tamat tempoh pada kotak itu. Tarikh luput adalah hari terakhir bulan tersebut.

FUCICORT® CREAM

Fusidic acid / Betamethasone (20mg/g / 1mg/g)

- Jangan simpan tiub lebih dari 3 bulan selepas anda mula membukanya. Buat nota dari tarikh anda mula membuka tiub dalam ruangan yang disediakan di karton tersebut.
- Jangan simpan pada suhu melebihi 30 °C.

- Pelupusan

Ubat-ubatan tidak harus dilupuskan melalui air buangan atau sisa isi rumah. Sila rujuk kepada ahli farmasi anda mengenai cara yang betul untuk melupuskan ubat yang tidak diperlukan lagi. Langkah-langkah ini dapat membantu melindungi alam sekitar.

Maklumat lanjut

- Rupa dan warna produk

Fucicort® Cream adalah krim putih hingga putih keputihan.

Fucicort® Cream didapati dalam tiub 5g, 15g

- Bahan-bahan kandungan

- Bahan aktif

- Fusidic acid 20mg/g
- Betamethasone 1mg/g

- Bahan tidak aktif

- Cetostearyl alcohol
- Chlorocresol
- Sodium dihydrogen phosphate dihydrate
- Liquid paraffin
- White soft paraffin
- Sodium hydroxide
- Nitrogen
- all-rac-alpha tocopherol
- macrogol cetostearyl ether

Maklumat penting tentang beberapa bahan dalam *Fucicort*® Cream

Fucicort® Cream mengandungi:

- Cetostearyl alkohol. Ini boleh memberi anda ruam gatal dan keradangan pada kulit anda di mana ubat digunakan.

Sila tanya doktor anda jika anda bimbang tentang bahan-bahan dalam ubat ini.

- Nombor MAL

MAL19913375AZ

Pengilang

LEO Laboratories Ltd

285, Cashel Road, Crumlin, Dublin 12, Ireland

Pemegang Pendaftaran Produk

DKSH Malaysia Sdn Bhd

B-11-01, The Ascent, Paradigm

No.1, Jalan SS 7/26A, Kelana Jaya

Petaling Jaya Selangor.

Tarikh kemaskini RiMUP

19/09/2017

Nombor Siri

BPFK(R4/1)110717/00170